

Parada di mascarada cu ambiente caluroso na Savaneta!



Diabierna anochi e distrito di Savaneta a gosa di un dushi parada di mascarada chikito, yen di baile, musica y luz coloroso.

E parada a cuminsa 8or di anochi na ex-warda di polis y a tuma e ruta bay patras banda di lama. Esaki a sigui riba e caminda pasa zeerover y lora bay caba na Centro di Bario Savaneta. Aunke un parada chikito—ultimo grupo a sali net un tiki prome cu 9or di anochi—e evento aki tabata un memorable pa varios participante como tambe carnavalistanan cu a asisti e anochi aki. Despues di 63 aña, Sra. Elsa Beaujon-de Kort a bolbe back den Carnaval hunto cu e reinanan, Jazi-

ra Isis Frans, Reina grandi, Skyrh Zinnia Arends, Reina Hubenil y Carolyn Kock, Reina Infantil.

Sra. Elsa Beaujon-De Kort a ser corona na 1962 como Reina Hubenil di Savaneta na 1962 y awor despues di 63 aña e ta representa Carnaval 71 como Señora Carnaval 2025. Ademas di e regreso emocionante aki, tambe a mira atrobe presentacion di Savaneta Brass Band cu tambe a participa pa prome biaha despues di casi 40 aña.

Varios grupo a participa den e parada aki, incluyendo Chaz Models, Grupo Ambiente, S.V. San Luis Deportivo y mas. Sigur e anochi aki tabata yena cu musica, ambiente y comunidad ameno.



Youth Queen 2025 Filomena College MAVO

Den Centro di Bario Brazil, Filomena College Mavo a tene su eleccion di Reina Hubenil '25.

Evento a cuminsa 7:15 y caba 10:30. E artistanan invita tawata Prins "All y Pancho "Out", Jetzenia Martinez "Queen Shine", Ji-vion Besselink "Jiv Mariachi", Melody Franken "Queen Melo", Gucci Dancers, Justin Trinidad King J, Brayden Elizabeth "Stinging B jr", Jorienne Angela "Queen Gigi" y Freddy "Rasta". MC tawata Addonsito Croes y Dj tawata Dyon Kelly. Reina saliente Anwizyann Geerman hunto cu su grupo a duna un bunita despedida. A honra tambe artistanan di Aruba manera Ataniro, Freddy Rasta, Rygel Isabella, Renè Kocky Jetzenia Martinez como ex alumnonan exitoso di Filomena College Mavo.

Na final di e anochi e hurado consisti di Michelle Ridderstaat -Mendez, Judelca Briceño, Ferdinand Franca, Kimberly Boekhoudt, Rugia De Jong-Mauricio y Miecey Gravenhorst a duna e siguiente resultado:



REINA FCM: Sheldry Boekhoudt
First runner-up: Josiella Boekhoudt
Second runner-up: Shalienne Brown

Best Costume: Shalienne Brown
Best Show: Josiella Boekhoudt
Best Speech: Sheldry Boekhoudt
Reina Popular: Sheldry Boekhoudt
Reina Fotogenico: Shalienne Brown



Island Asia Store
Av. Millio Croes #122 | T. 583-8888 | (front of Price Smart)
TIN SURTIDO SPECIAL PA CARNAVAL 71
Nos tin jug di diferente tamaño, blas, accesorio, bril solo, keds, sandalia, mea, sapato, sweatern y t-shirt.
Articulo pa bo fantasia di Carnaval y prijs pa tur cartera!"
HORARIO: Dialuna - Diasabra 9AM - 7PM (NON STOP)
Diadomingo 10AM - 2PM

